

玄覽堂叢書

第十八冊

文選堂藏書

卷十八

六部

題爲仰遵

明詔恭進九邊圖說以便

聖覽事職方清吏司案呈伏覲

登極

詔書內一款各處府州縣大小繁簡衝僻難易不同或逸

而得譽或勞而速謗既乖陞黜之宜遂起避趨之巧士風

日壞吏治不脩吏部通將天下府州縣逐一品第定爲

上中下三等遇該推陞選補量才授任各官考語獎薦

同在優列者先儘上等府州縣陞擢行取次及中等次

及下等不惟視等以爲歲月之遲速仍視等以爲賞資



之高下內有才優才短更調者各就中酌處其各將官
所任地方兵部亦以邊腹衝緩分爲三等遇該陞調照
此施行欽此抄捧到部送司就經呈堂咨行各鎮督撫
軍門將所管地方開具衝緩仍畫圖貼說以便查照
去後隨該各鎮陸續開報前來或繁簡失宜或該載
未盡又經咨駁務亦允當往返多時始獲就緒本司
稽之往牒參諸堂類而東起遼左西盡甘州每鎮有總
圖以統其綱有分圖以析其目某爲極衝某爲次衝
某爲偏僻某處切近虜巢某處極爲卑弱與夫一鎮
之兵馬錢糧數目無不畢具誠爲簡要似應恭上

御前以備檢閱不惟思慮預防時虞

聖念而各鎮之地利險夷各邊之兵馬多寡一開卷而
聖心自洞析矣及照先任本部尚書許綸先爲禮部主事
時曾奏上九邊圖考嗣後本司主事魏煥亦曾續之
迄今近三十年邊堡之更置將領之添設兵馬之加
增夷情之變易時異勢殊自有大不同者合無自今
具題之後仍移文各省督撫遵照舊例每年終將建
革緣由開報到部本部隨即更正庶幾邊之土不必身
履其地自可得聞其詳而他日經畧疆圉咸有所憑
藉矣均乞施行等因案呈到部看得該司所呈一遵
詔例分別衝緩地方以爲推陞將領之具一爲圖說開具
山川險易以備

聖明安攘之圖均係該司職掌要務且于邊計攸關相應
依擬臣等謹將前項圖說實封奏

進伏乞

聖明法宮之暇少垂

睿覽庶犬馬微忱得以少罄千萬一矢以後每三年一次
脩正悉如該司所擬施行臣等無任殞越俟

命之至緣係仰遵

明詔恭進九邊圖說以便

聖覽事理未敢擅便謹題請

旨

隆慶叁年拾壹月初二日兵部 尚書 霍

左侍郎曹

職方清吏司郎中孫應元

趙宋

署員外郎事司務王憑

主事石磐

劉寅

朱潤身

桂天祥

趙慎脩

等具題本月初四日奉

聖旨邊圖留覽見欽此

遼東鎮圖說

臣等謹按遼東全鎮延袤千有餘里北拒諸胡南扼朝鮮東控福餘真番之境實為

神京左臂自大寧失險山海以東橫入虜地寧前高平諸處一綫之塗聲援易阻識者有隱憂焉南通溟渤倭警鉅稀而金復蓋三衛僻在海壖號稱沃壤三岔河凍虜數垂涎故河由不惟冬防喫緊也近奉

詔旨每值嚴寒總帥移駐海州似亦得策惟河西零竊剽掠無時疏通來往將領失尚矣濬路河增臺園防禦之略茲其可已乎大段遼地丁寡招徠孔艱而又徵調頻仍士馬日耗欲其利爪牙以衛腹心不可不為之所也

巡撫遼東地方兼贊理軍務都御史一員

鎮守總兵官一員

戶部管糧郎中一員

俱駐別廣寧城

分守叅議一員

駐別遼陽城

分巡僉事一員

駐別廣寧城

兵備四員

駐寧遠城
駐開原城

駐蓋州城
駐西平堡

極衝地方

遼陽城副總兵一員都司三員

開原城叅將備禦馬市官各一員

義州城叅將備禦各一員
寧遠城叅將一員

廣寧城遊擊備禦

坐營中軍

各一員

瀋陽城遊擊備禦各一員

鎮武堡遊擊一員

中後所遊擊一員

清河堡守備一員

鎮靜堡守備一員

錦州城守備一員

懿路城備禦一員

長安堡備禦一員

長勇堡備禦一員

西平堡備禦一員

塔山所備禦一員

前屯城備禦一員

汎河城備禦一員

次衝地方

海州城叅將備禦各一員

險山城叅將一員

靉陽城守備一員

中固城備禦一員

城嶺城備禦一員

撫順城備禦一員

滿河城備禦一員

汪沿臺備禦一員

右屯城備禦一員


又次衝地方


金州城守備一員

本鎮原額馬步官軍玖萬肆千陸百玖拾叁員名除節
年逃故外實在官軍捌萬壹千玖百玖拾肆員名
原額馬柒萬柒千壹匹除節年倒失外實在馬肆萬
叁千捌百柒拾伍匹

本鎮年例主兵銀壹拾陸萬叁千玖百玖拾捌兩伍錢
貳分捌厘貳毫伍絲客兵銀肆萬兩

濟東總圖





五東鎮分圖

開平北鎮

